



NEGERI SABAH

[JPAN:700-4/401/329 Klt.3 (81)]

PEKELILING PERKHIDMATAN NEGERI SABAH BIL. 4/2013

PEMBAYARAN ELAUN PENGENDALIAN PEPERIKSAAN PERKHIDMATAN AWAM NEGERI SABAH

1. Tujuan

- 1.1 Pekeliling Perkhidmatan ini dikeluarkan mengikut Peraturan 123, Bahagian III, Peraturan-Peraturan Pegawai Awam Negeri Sabah 2008. Pekeliling Perkhidmatan ini bertujuan untuk menetapkan kadar dan syarat elaun Pengendalian Peperiksaan Perkhidmatan Awam Negeri Sabah.

2. Kadar Pembayaran

2.1. Elaun

Kadar bayaran pegawai yang terlibat secara langsung dalam Pengendalian Peperiksaan Perkhidmatan Awam Negeri Sabah adalah ditetapkan seperti jadual di Lampiran A.

3. Pihak Berkuasa Yang Meluluskan Pembayaran

- 3.1. Permohonan untuk dibayar elaun-elaun Pengendalian Peperiksaan Perkhidmatan Awam Negeri Sabah hendaklah dipertimbangkan oleh:
- (a) Setiausaha, Lembaga Penilaian Kompetensi Perkhidmatan Awam Negeri Sabah (LPKPANS) bagi peperiksaan yang dikendalikan oleh Lembaga itu;
 - (b) Ketua Jabatan yang berkenaan bagi peperiksaan Jabatan yang dikendalikan oleh Jabatan masing-masing.

4. Tuntutan Perbelanjaan Pengangkutan

- 4.1. Seseorang pegawai yang dilantik sebagai Ketua Pengawas/Pengawas/ Pemeriksa Lisan/Penemuduga/Pemerhati bolehlah menuntut Elaun Perjalanan Kenderaan mengikut kelayakannya sendiri. Tuntutan elaun perjalanan kenderaan itu hendaklah dikira berdasarkan jaraknya antara pejabat seseorang pegawai itu dengan pusat peperiksaan.
- 4.2. Seseorang pegawai yang dilantik sebagai Ketua Pengawas/Pengawas/ Pemeriksa Lisan/Penemuduga/Pemerhati di semua Pusat Peperiksaan boleh diberi pemberian pengangkutan sebanyak RM15.00 setiap hari sepanjang tempoh peperiksaan.
- 4.3. Pegawai-pegawai yang menuntut elaun perjalanan kenderaan atau pemberian pengangkutan tidak layak menuntut perbelanjaan tambang teksi.
- 4.4. Tuntutan pembayaran Elaun Perjalanan Kenderaan atau pemberian pengangkutan hendaklah dikemukakan kepada Setiausaha, Lembaga Penilaian Kompetensi Perkhidmatan Awam Negeri Sabah (LKPANS) bagi peperiksaan yang dikendalikan oleh Lembaga itu. Dengan demikian seseorang pegawai yang menuntut pembayaran tersebut tidak boleh lagi memohon pembayaran elaun yang sama dari Ketua Jabatannya.
- 4.5. Bagi Peperiksaan-peperiksaan yang dikendalikan oleh Jabatan masing-masing, tuntutan pembayaran Elaun Perjalanan Kenderaan atau pemberian pengangkutan hendaklah dipertimbangkan oleh Ketua Jabatan berkenaan.
- 4.6. Walau bagaimanapun, sekiranya kenderaan Kerajaan diperuntukkan, elaun perjalanan kenderaan atau pemberian pengangkutan tidak akan diberi.

5. Tarikh Kuatkuasa

- 5.1. Pekeliling Perkhidmatan ini hendaklah berkuatkuasa mulai 01 April 2013.

6. Pembatalan

- 6.1. Dengan berkuatkuasanya pekeliling ini, Pekeliling Perkhidmatan Negeri Sabah Bil.3/1984 adalah dibatalkan.

"BERKHIDMAT UNTUK NEGARA"



(SUKARTI BIN WAKIMAN)
Setiausaha Kerajaan Negeri
Jabatan Ketua Menteri
KOTA KINABALU

Tarikh: *6 Jun 2013*

s.k Setiausaha Tetap
 Kementerian Kewangan
 Wisma Kewangan
88593 KOTA KINABALU

Bendahari Negeri
Jabatan Bendahari Negeri
88595 KOTA KINABALU

Pengarah Audit
Jabatan Audit
88990 KOTA KINABALU

Diedarkan kepada: Semua Setiausaha Tetap Kementerian
 Semua Ketua Jabatan Negeri
 Semua Ketua Pengurusan Badan Berkanun Negeri
 Semua Ketua Pengurusan Kuasa Tempatan Negeri
 Semua Pegawai Daerah
 Semua Penolong Pegawai Daerah, Daerah Kecil

**KADAR BAYARAN PENGENDALIAN
PEPERIKSAAN PERKHIDMATAN AWAM NEGERI SABAH**

BIL.	TANGGUNGJAWAB	JENIS PENGENDALIAN	KADAR ELAUN
1	Pengawas Peperiksaan.	I. Ketua Pengawas. II. Pengawas.	RM60 satu hari RM40 satu hari
2	Penyedia Kertas Soalan/Rencana	I. Soalan eseai dengan skema jawapan. II. Soalan objektif/pendek/isi tempat kosong dengan skema jawapan. III. Rencana ujian trengkas dan penyediaan skema markah. IV. Rencana ujian menaip.	RM100 satu set kertas soalan. RM150 satu set kertas soalan. RM80 satu set rencana. RM50 satu set rencana.
3	Pemeriksa Kertas Jawapan/Trengkas/Taip	I. Kertas 3 jam dan ke atas. II. Kertas 2 jam tetapi kurang 3 jam. III. Kertas 1 jam tetapi kurang 2 jam. IV. Kertas kurang dari 1 jam.	RM6 satu set kertas jawapan. RM5 satu set kertas jawapan. RM4 satu set kertas jawapan. RM3 satu set kertas jawapan.
4	Pembaca rencana.	Rencana Ujian Trengkas.	RM40 satu set rencana.
5	Urusan Peperiksaan secara Lisan/Amali/Pemerhati/Temuduga.	Bayaran Pemeriksa Lisan/Amali/Pemerhati/Temuduga.	RM60 satu hari.